



B.- REGULAMENTO DE SECTORES E CLASES

B.1 DEFINICIÓNS

Clases:

Conxunto de embarcacións cuxo deseño, construción e/ou características están reguladas nunhas Regras de Clase).

Regras de clase:

Regulamentación técnica, incluíndo planos, esquemas e especificacións de construción que definen as características dunha **Clase**.

Regras de handicap

Sistemas recoñecidos de compensación de tempos.

Sector:

Cada unha das divisións organizativas en que se agrupan as distintas Clases ou disciplinas.

Tarxetas de clase

Documento acreditativo da pertenza a unha asociación de Clase.

B.2 SECTORES

A área deportiva da RFGV estrutúrase nos seguintes Sectores:

- a) Vela Lixeira que regula as actividades das embarcacións pertencentes as Clases recoñecidas e rexidas polas respectivas regras de Clase.
- b) Cruceiro, que regula a actividade das embarcacións que se rixen polas regras de handicap recoñecidas.

B.3. REPRESENTACION E ADMINISTRACION DOS SECTORES

b.3.1. Comités: Son órganos colexiados de asesoramento e apoio á Xunta Directiva da RFGV, constituídos por esta para mellor administración dos Sectores recoñecidos.

Tales Comités son:



- Comité de Vela Lixeira.
- Comité de Cruceiros.

b.3.2 O Presidente de cada Comité será nomeado polo Presidente da RFGV.

Os membros dos Comités serán nomeados polo seu Presidente. Son membros natos de cada Comité os Secretarios das Clases recoñecidas pola RFGV.

b.3.3 Salvo delegación expresa da Xunta Directiva ou do Presidente da RFGV, os Comités non terán facultades decisorias.

B.4 RECOÑECIMENTO DE CLASES

b.4.1 Para que unha Clase sexa considerada como tal e poida integrarse na estrutura deportiva federativa, deberá ser previamente recoñecida pola RFGV de acordo co establecido nos puntos seguintes:

b.4.2 O recoñecemento dunha Clase, ou a súa perda, efectuarase pola Xunta Directiva da RFGV, por proposta do Comité correspondente.

b.4.3 Os recoñecementos caducarán o 30 de Novembro do ano seguinte a aquel en que se recoñeceu ou modificou a categoría da Clase. Os recoñecementos e as categorías serán revisados e prorrogados en función da actividade e resultados habidos en tal período e das perspectivas de futuro que presenten.

b.4.4 A Xunta Directiva da RFGV pode retirar o recoñecemento ou a categoría en calquera momento dentro do período sinalado se a Clase non alcanzase de xeito ostensible os seguintes requisitos:

a) Celebrar anualmente polo menos catro regatas en tres Clubs diferentes cunha participación media de 10 participantes en cada regata.

b) Excepcionalmente, aquelas Clases cunha implantación en número de Clubs inferior ao indicado nas letras anteriores que contén cunha media de 10 practicantes, ou unha considerable tradición e arraigamento na súa zona de implantación e/ou contribúan de xeito importante ao desenvolvemento e popularización do deporte de vela na súa zona.



Este recoñecemento leva consigo a súa inclusión nalgunha das clases e categorías que se sinalan a continuación.

b.4.5 Categorías

- a) Dentro de cada clase, distinguíranse as categorías recoñecidas pola RFEV para cada unha delas. Para o recoñecemento dunha categoría debe cumprirse:
 - 8 embarcacións de esa categoría de o menos dous clubs distintos.
 - Para categoría de xénero, o mínimo serán 4 embarcacións.
- b) Para que unha categoría dentro dunha clase estea contemplada dentro do ranking, debe cumprirse o punto b.4.5 no 80% das probas do ranking.
- c) Os criterios de formación de categorías poden verse modificados por decisión da RFGV, según criterios estratéxicos e deportivos.

B.5 CADRO DE CLASES

b.5.1 CLASES OLÍMPICAS

As establecidas pola WS e que teñamos tripulacións navegando na comunidade.

470 - M / F

RS:X - M / F

Laser Radial - Fem

Laser Standard

49er - 49er FX

Finn

Catamarán Nacra 17



b.5.2 CLASES NON OLÍMPICAS

Dentro das clases non olímpicas, distínguense dous tipos, segundo a importancia competitiva establecida pola RFEV:

- d) Clases infantís e xuvenís estratéxicas (ou preolímpicas): Son as clases formadas en Galicia que teñen ese recoñecemento pola RFEV, nas súas categorías:

Optimist

Bic - Techno 293 (Sub15 e Sub 17)

RSX- (Sub 19)

Laser 4.7 (Sub16 e Sub 18)

Laser Radial - (Sub 21)

420 (Sub17 e Sub 19)

- e) Clases Galegas: Son o resto de clases formadas en Galicia.

Vaurien

Snipe

420 absoluto

Laser Radial absoluto

Laser Standard

Formula Windsurfing

Raceboard

RC 1 metro

6 metros

Kiteboarding

Catamaranes

J 70

J 80

Estas dúas últimas clases constarán a todo-los efectos como Vela Lixeira cando naveguen en flota baixo as Regras de Clase.

B.6 EFECTOS DO RECOÑECIMENTO DUNHA CLASE OU SECTOR

b.6.1 As Clases e os Sectores teñen dereito a celebrar anualmente o Campionato Galego e a Copa de Galicia, así como enviar un equipo oficial aos campionatos nacionais de carácter oficial, coa asistencia técnica e económica que estableza a RFGV.

b.6.2 O Campionato Galego e Copa Galicia soamente terá un título por clase, e soamente poderá constar de dúas categorías de xénero. O resto das categorías formadas non se terán en conta para estes títulos, a non ser que cumpran o punto b.4.5c)



b.6.3 As Clases poderán, ademais, cambiar a súa cualificación como xuvenís, estratéxicas, de promoción, etc., ou calquera outra denominación que determine a Xunta Directiva da RFGV en función da política deportiva que adopte. Tal cualificación levará consigo os efectos que se precisen na decisión cualificativa.

B.7 REGLAS DE CLASE / SECTOR

b.7.1 As modificacións ás Regras de Clase nas regatas incluídas no Calendario Oficial da RFGV, así como nas regatas clasificatorias para os Campionatos e Copas de España, precisarán de previa autorización do Comité Correspondente de RFGV.

b.7.2 As regras das Clases e Sectores que non sexan nacionais / internacionais e as súas modificacións, serán aprobadas ou ratificadas pola RFGV.

b.7.3 As regras de campionatos, instrucións xerais de regatas e calquera outra norma de carácter técnico emanada dunha Clase ou Sector, deberán ser aprobadas pola RFGV.

b.7.4 Será requisito indispensable para poder participar nas regatas clasificatorias, Campionatos e Copas de Galicia, estar en posesión da tarxeta da Clase do ano en que se celebre. A regulación de este punto correspóndelle o secretario autonómico de cada clase.

B.8 REPRESENTACION E ADMINISTRACION DAS CLASES

b.8.1 Representación

As Clases recoñecidas estarán representadas nas súas relacións coa RFGV, Clubs e calquera outra entidade ou autoridade deportiva polos Secretarios de Clase.

Cada Clase terá un Secretario de Clase. Non obstante, o Presidente da RFGV poderá decidir que haxa un mesmo Secretario para varias Clases cando o número de navegantes ou outras razóns de eficacia así o aconsellen.

O Secretario da Clase será nomeado e cesado polo Presidente da RFGV.



A asociación de propietarios se a houberse ou do colectivo de deportistas que participen no Campionato Galego da súa clase e coincidindo coa súa celebración, poderán propoñer un representante á RFGV como Secretario de Clase.

b.8.2 Funcións do Secretario de Clase

- a) Representa a RFGV dentro da asociación ou colectivo de deportistas da clase. Colabora coa RFGV no cumprimento dos regulamentos e nas políticas deportivas que se leven a cabo.
- b) Representa á Clase no Comité federativo correspondente e canaliza as propostas emanadas dos deportistas da Clase e das Asociacións de Propietarios.
- c) Xestiona as actividades das Clases de acordo coas súas normas internacionais e no marco de toda a regulamentación promulgada pola RFGV e RFEV coidando da correcta execución dos acordos da Xunta Directiva e do Comité correspondente, e da promoción e difusión da súa Clase mantendo relacións constantes e fluídas cos representantes das Clases recoñecidas pola RFEV
- d) Propón o calendario de regatas e actividades da Clase en Galicia, e informa acerca do lugar e data de celebración das Copas e Campionatos nacionais e outras regatas nacionais e internacionais. Avalará a todos os clubs que teñan os medios necesarios para a celebración de regatas clasificatorias e soliciten unha proba. No caso de ter varias solicitudes, indicará a preferencia da Clase.
- e) Manterá relacións coas respectivas organizacións nacionais, de existir, informando a RFGV dos temas tratados e as decisións adoptadas. No exercicio desta actividade coidará de defender os intereses de política deportiva da RFGV, para o que solicitará previamente a opinión do Comité federativo correspondente.
- e) Colaborará cos distintos Comités federativos nas cuestións técnicas propias da clase.
- f) Poderá realizar, ademais cantas funcións lle encomende a RFGV.



b.8.3 Asociación de Regatistas de Clase:

A RFGV pode recoñecer Asociacións que agrupen deportistas dunha Clase recoñecida coa finalidade de promover e difundir as súas actividades, así como servir de canle de participación aos deportistas nas cuestións federativas que os afecten.

As Asociacións de regatistas de clase rexeranse por Estatutos, que non poderán contradicir os Estatutos e Regulamentacións da RFGV. O funcionamento das Asociacións deberá ser democrático e non efectuarán discriminación ningunha para admitir asociados. Os Estatutos das Asociacións, así como as súas modificacións, deben ser aprobados pola RFGV.

As Asociacións de regatistas de clase aprobadas pola RFGV teñen o dereito de propoñer o Secretario de Clase.